

Hong Kong School Drama Festival 2009/10
Synopsis & Script of School Play with "Adjudicators' Award"
二零零九至二零一零年度香港學校戲劇節
「評判推介演出獎」得獎學校劇目資料



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

Name of School : CNEC CHRISTIAN COLLEGE

學校名稱 : 中華傳道會安柱中學

Name of Play 劇名 : 谷鳴

Script writer 劇作者 : 莊瓊滢、許頌怡、許綺樺，莫如善果

For adaptation works, please specify: 如屬改編劇本請填寫：

Name of Original Work 原著作品名稱 : _____

Original Author 原作者姓名 : _____

Name of Adaptor 改編者姓名 : _____

Synopsis 故事大綱:

轟動一時援交少女被殺事件，令社會開始反思。

原本青春少艾，可擁有美麗人生的少女，他們應該努力為將來的幸福生活鋪路。

何以甘心出賣肉體，摧毀靈魂？

有人不幸被殺，但仍不乏擁有美貌和高學歷的學生投身此行業。

是金錢吸引太大，還是為勢所迫？

你又能否接納這樣的家人、朋友、甚至情侶？

Script 劇本:

第一場

(蚊帶著口罩，帶著帽)

記者：好多謝你接受我地 ge 訪問。

冰：我...我可以帶住口罩架可，我唔想俾人見到我個樣...

記者：無問題，我地明白。咁我地開始啦（冰點頭）點解你要援交？

冰：好多原因架喎...

記者：咁你男朋友知唔知呀？（望向男）

冰：佢話我貪慕虛榮。其實佢對我好好架，係我自己唔識得珍惜...

(冰坐下，把東西放在袋)

(台另一邊南出來，女追出)

女：……你係咪搵巴士返屋企呀，不如一齊丫？

南：唔係呀，我約左呀冰……你知唔知邊度可以買到呢款公仔呀？

女：得番旺角果間分店先有咋……

南：唔該。

女：如果我話比你聽我都鍾意呢個公仔，你會唔會換比我？

南：……我諗我暫時只係會換俾呀冰一個。

(南走向台左)

冰：捨得蒲頭喇，家下幾點呀？

南：我頭先……

冰：等左你半粒鐘囉。你隻錶呢？

Hong Kong School Drama Festival 2009/10
Synopsis & Script of School Play with "Adjudicators' Award"

二零零九至二零一零年度香港學校戲劇節
「評判推介演出獎」得獎學校劇目資料



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

南：弊，我留低左隻錶呀(想回頭取回)

冰：仲去邊呀？你咁遲，d 飛都比人買曬啦。

南：(猶豫)好啦，買飛先啦咁。

冰：(黑面)離曬譜架，遲到就打電話比我啦，早知就去行陣街先呀！喂，做咩打極電話俾你你都唔聽？(南不作聲，只顧買飛)

冰：我問你呀，做咩打左咁多次俾你你都唔聽呀？

南：電話壞壞地，成日都聽唔到佢響。

冰：又會咁啱 ge，要響唔識響 ge。你校左內置免接功能呀麻，scan 曬 d 唔想聽 ge 電話呀，幾好番.....

南：(不耐煩地轉身)頭先為左要換呢個公仔俾你，行左好多間鋪頭先換到。我估唔到等車會等耐左，電話前幾日已經「神神地」，你知架。你估我想你等架。平時你閒閒地遲半粒鐘九個字架啦，又唔見我發爛炸？點估到你今日突然玩準時咩。(望著手上公仔)比你！

冰：(望住公仔)唔要！

南：(更嬾)唔要算！我送比其他人(說罷轉身走各台右)

冰：你走呀麻？

(冰望著南背影離去坐下)

(南於台右與女會合)

南：Koey，你係咪鍾意呢個公仔呀？.....

(遞出公仔給她，南與女步出台)

冰：如果無分手 ge 話，我諗...我會有 D 保留。

第二場

(眾人出)

A：咁耐 ge，呀冰黎唔黎架？快 d 打比佢啦。

B：佢唔黎會 call 我架嘍，都有 call 我即係黎啦。黎就唔使 call 啦，催催貢，唔係幾好 ge~(一路講一路望四圍 d display)

C：唔使講喇，我打左喇(電話響)喂，冰姐，你到左未呀？我地等左你勁耐囉！

冰：後面囉！

A：出發 shopping ! (說罷轉身至背後的 boutique)

B：嘩! on sale 好抵呀! 呀冰，你話呢條裙襯唔襯我呀？

冰：唔襯，你人又矮，腳又短，你咁著係咪想更矮呀？

C：咁我呢？

冰：OK 喎。不過...你試下襯埋條鍊，咁係咪仲好睇呀。

A：半價，\$450，原本要成 900 蚊架。唉呀，我件衫跌曬價。呀冰，你咪話鍾意 ge，依家好抵呀，仲有你鍾意隻色 tim，我唔介意同你同款喎！

(冰把衣服拿到鏡前拼，再看看價錢)

冰：我依家又唔鍾意喇喎，同埋我唔想同你撞衫麻(但眼光還是盯著外套)

C：(看門外一對男女走過)喂喂喂！你地話啱啱個女仔拖住個個係呀爸定條仔丫拿？

眾：邊個呀？(探頭向外)哦！

A：肯定係客人。個女仔九成係援交 ge。

冰：你又知？



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

A：自你發育後，有冇拖住老豆隻手行街丫？

C：仲要係挨身挨勢個種喎。

A：你呀爸又有冇係你耳邊細聲講大聲笑丫？

B：我有喎。

冰：我有喎，老豆係我發育之前死鬼左喇喎。

A：其實點解 d 女仔肯同 d 「佬」咩呢可？

B：一齊行都頂唔順啦，仲要咩，諗起都作嘔。

冰：援交唔一定要「咩」架，可以剩係行街、睇戲、食飯咋。

C：唔摸邊有人搵呀？你咪咁「天真」啦，out 曬喇。

A：援交，援交，援助「搞」呀！

冰：援交有得揀客架嘛，唔靚仔咪唔接囉！

B：好仔就唔洗叫雞啦！

A：其實呢 D 女仔為左錢，比得人摸，肯定同人搞埋添啦！

(冰欲終止話題)

冰：喂，我唔記得話你聽，今朝我見到隔離班條「豬扒」用你呢個袋。

B：咩話，一模一樣？

冰：連「咩」法都一樣(扮咩法)

A：oh, my goodness! 下一站去米蘭。

C：仲好啦，有藉口比你買個新款 d ge!

A：咪識穿我啦.....比錢，走人。

B：喂，碌卡丫，儲夠積分換演唱會飛未呀？

C：喂，你上次話幫我換先過喎。

(眾人一路笑一路走)

(待眾人走後，冰放下衣服)

第三場

冰：我今日撞到你接客呀。

蚊：唔係「接客」，係陪伴需要援助的男生。

冰：我 d 同學係你背後話你囉。

蚊：我知丫。

冰：你又知？

蚊：估到啦。斷估唔會讚我孝順掛。

冰：你唔揀個後生 d ge？

蚊：佢出得起 300 蚊一粒鐘喎。

冰：但係比條「中坑」摸，勁難頂喎！

蚊：比人摸會少忽肉咩？「中坑」要趕返屋企交人，時間仲易就 d tim 呀！一般 8 點後就 free! (轉向冰)你幾時 post 啫？好搵過你做 part time 呀(向冰出示手上手袋)我買左啦，你仲等咩呀？

冰：如果班 friend 知道左呢？

蚊：咪死都唔認囉。一份 part time 啫。佢地有附屬卡，想買咩有咩，你有冇丫？

冰：冇呀，咁點丫？

Hong Kong School Drama Festival 2009/10
Synopsis & Script of School Play with “Adjudicators’ Award”

二零零九至二零一零年度香港學校戲劇節
「評判推介演出獎」得獎學校劇目資料



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

蚊：最無資格評論 ge 係佢地呀。喂你諗掂 call 我，雖然難 d，我都有 d 剩係「行街、睇戲、食飯」ge「朋友」ge。不如今晚我幫你 post 丫。

冰：我要番 part time 喇，byebye。(說畢掉頭走，拿起制服穿)

第四場

(冰面向台)

冰：歡迎光臨，請問要買咩呢？

客：板燒雞腿飽單買幾多錢？

冰：\$16.2

客：食餐抵 d 可？

冰：咁即係要餐呀？

客：呢個飽 d 汁係咩汁黎架？

冰：都...都係一般個 d 啦。

客：有冇洋蔥架？

冰：應...應該有。

客：咁邊個飽有洋蔥呀？

冰：其實你可以撩 d 洋蔥出黎唔食架。

客：你即係唔知啦。

冰：每個飽都幾乎有洋蔥架啦！

客：咩叫幾乎呀？我係驚連 d 汁都有呀。混左落 d 汁點撩呀？

冰：咁不如你叫雞啦！

冰：麥樂雞同脆香雞翼餐都有汁架！

客：但係我要食飽呀！

冰：不如你上網睇睇 d 配料再返黎買啦，或者你唔係咁適合食飽啲。

客：或者你都唔係咁適合賣飽啲。經理！

(冰獨留台上，把制服脫下，轉身走回家)

(弟在家中坐立不安)

弟：家姐，咁早返 ge？

冰：呀媽呢？

弟：佢番夜班呀。

冰：食左飯未呀？

弟：食左喇，家姐...(冰坐在沙發上，把模型公仔抽出來)

姐：呀，細佬。你個 model 比我坐爛左呀。

弟：家姐，今次死喇。

冰：做咩呀？坐爛左個公仔唔使死呀？做咩呀？

弟：我今日打波撞爛左同學副眼鏡，要賠成千蚊。

冰：下，咁大件事，呀媽知唔知呀？

弟：我唔敢講呀。

冰：乜你 d 同學咁有錢架？成千蚊副眼鏡。唉，本身我都幫到你 ge~有計！我知呀媽 d 錢放係邊，你

Hong Kong School Drama Festival 2009/10
Synopsis & Script of School Play with "Adjudicators' Award"

二零零九至二零一零年度香港學校戲劇節
「評判推介演出獎」得獎學校劇目資料



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

拿住去先，我遲 d 掙了錢再幫你還比佢。
弟：唔該家姐。丫...但係如果呀媽知道左...
冰：唔使驚，我撐你！不過我現家好肚餓呀...
弟：得。煮麵比你食！
(冰走到媽抽屜拿錢，媽走到冰後面)
冰：咁早返 ge? 唔使返夜咩?
媽：你入我間房做咩呀?
冰：你間房好亂，幫你執下姐。
媽：咁好死(檢查抽屜)冰，你做咩擺我抽屜入面 d 錢呀?
冰：我有擺呀，你記錯喇。
媽：記錯?我記錯你生日幾多號都唔會記錯抽屜有幾多錢呀。我 d 錢留番過年架，琴日有三千，今日剩返二千!
冰：我有拾!
媽：你拾錢去買名牌，你要我講幾多次呀。你唔同你 d 同學，你有資格過佢地 ge 生活。
冰：憑你個一千蚊買唔到名牌架，唔識野。
媽：咁你拾咁多錢做咩呀?
冰：你唔好理啦，總之我一定會還返俾你。
媽：頭先死都唔認，現家肯認喇咩?你無出息呀!學人偷錢，你賺錢用黎買名牌，做幾多份 part time 都唔夠啦!我都講左你唔可以同 d 有錢 ge 同學比，你自己咩「身仕羅白」皮丫!
(「呬」一聲，冰大力關門)
冰：都係 part time 一份啫，佢地無資格批評我呀。
媽：你試下唔比番 d 錢我丫嚟，睇我下點對付你!
(冰拿出鍵盤打字)
冰：我叫小琳，學生妹，急須錢，幫幫忙。MSN 有相睇，300 蚊一粒鐘。
弟：呀！我碗麵呀！
(冰化妝，至放下唇膏)

第五場

(格仔車男等候冰，車男在看漫畫，神色緊張，狂托眼鏡)

(冰從台慢慢步出，四處張望，冰拿出手提)

冰：喂，豪哥?我...我到左喇，你係邊呀?

車男：後面。(打大噴嚏)

(冰呆了一會，因沒想到是電車男)

冰：你又認得我 ge?

車男：你 MSN send 左張相比我，側面，似。

冰：哦...哈哈(乾笑)

(二人坐下)(突然車男又從背包取出信封)

(車男站立雙手遞出信封，打大噴嚏)

冰：你做咩野呀?

Hong Kong School Drama Festival 2009/10
Synopsis & Script of School Play with “Adjudicators’ Award”

二零零九至二零一零年度香港學校戲劇節
「評判推介演出獎」得獎學校劇目資料



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

車男：見面要比錢先，網上 d 人話；你地 ge 行規。

冰：哦...原來係咁。

（冰看著錢，再笑）

（二人靜靜坐著）

車男：第一次，你？

（冰嘗試尋找話題）

冰：豪哥你平時鍾意做咩架？

車男：（打大噴嚏）睇動漫，比卡超

冰：（挨近車男）你好 cute 呀！

車男：你好萌！

冰：（望著車男不自然地說這句）見到你丫麻！

（車男打噴嚏，每次車男打噴嚏都會拿出格仔毛巾）

冰：原來你鍾意格仔 ge~

車男：唔係，係我呀媽鍾意。

冰：哦~咁你係唔係想同我行街街呀？

車男：可以？我可以？好彩我識到你。

（車男伸出隻手，冰也伸出了手）

（車男再打噴嚏）

（冰猶豫，望著自己的手，另一隻手伸出摸著錢）

冰：（深呼吸）咁你想去邊呀？

車男：扭蛋。

（燈熄）

第六場

VO：拿了第一份薪水，我覺得好充實，銀包塞滿錢的感覺很好，比起係 M 記做半個月仲多！（走到公仔前穿上美麗衣服）呀平，呀虎，思浩，俊男，發哥。我 援交次數愈來愈多，賺 ge 錢亦愈來愈多。（冰從台四方拿出購物袋，很滿足的感覺）

冰：終於有一日（面向蚊）Philip 問我千五蚊制唔制。

蚊：你唔係想賺多 d 咩？

冰：我想...留番比自己鍾意 ge 人。

蚊：你又點知你鍾意 ge 人係咪同你一樣？

冰：咩呀？

蚊：都係將最好 ge 留番比你囉（頓了一會）賺到錢做咩要計較。

冰：你...你同人「咩」呀？唔好呀！之前有 CC 比人殺左。好危險架！唔怕一萬，最怕萬一...

蚊：咁容易呀，我就中左六合彩啦，仲洗做 CC 咩！考慮下啦，聖女。

第七場

冰：喂？Wisdom 丫？

姐：喂...



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

冰：唔好意思，我打錯。(收線)

姐：你無打錯，我係 Wisdom ge 家姐。

(Wisdom 是輕度弱智者)

冰：(望了 wisdom 一眼) 對唔住，呢 D 生意我唔接架喎！

姐：(捉住冰手) 我比 400 蚊一個鐘，我剩係想細佬可以拍下拖。

冰：(想了一會) 五百！

姐：好丫唔該你呀！

冰：丫！你 D 口水呀。

(冰撞 wisdom，二人轉)

(弟出)

弟：嘩!好靚呀。呢個模型好貴架。做 M 記都要做 3 個月先買到，點解你最近有咁多錢 ge? 定係你有第二份 part time 呀? (轉向冰)

(弟走)

姐：唔該曬你呀！

(冰怒，推開椅子)

第八場

(同學入)

A：呀冰，你做咩咁劫呀？呢排好夜訓呀？

B：晚晚有「應酬」呢？呢條黑色裙係靚，但係好似暴露左小小囉，我唔會咁著架，咁 sexy 過火 ge 野唔啱我 ge...

(冰欲回嘴，但 A 搶先說)

A：係囉，我地仲係學生，著返 D cute D 架啦。呢條有蝴蝶結 ge 幾好丫。

冰：蝴蝶結？唔好玩啦，我覺得黑色個條靚 d 喎，如果要我掛隻蝴蝶響心口，我打死都唔會係廁所出黎呀。(抱手)

C：做 D 咁 ge 野有好意思行出黎 ge

B：或者有 D 野一般都要「哩」係個廁格度做 ge

(冰走向另一邊)

B：唉，花邊唔啱你架喇！但如果車響心口呢度呢，就完全唔同 feel，非常誘惑。呀冰，點睇呀？

冰：(轉身，收拾袋準備走)無意見，你地自己決定啦。

(靜默)

A：丫！琴日我見到 tom tom 拖住條女行旺角呀。

B：個女 ge 唔知係邊個呢，呀冰，你琴日有無係旺角見到佢地呀？

冰：我琴日都無去旺角。

C：下？咁琴日我地見到個個唔通係你失散左 ge 孖生姊妹？

冰：我唔舒服，要走先。

A：下？又走先？又唔舒服呀？(冰離開，在門口碰見南)

南：呀冰，有無時間，想同你傾幾句。

冰：(轉身，繼續向前走)唔得閒。

Hong Kong School Drama Festival 2009/10
Synopsis & Script of School Play with “Adjudicators’ Award”

二零零九至二零一零年度香港學校戲劇節
「評判推介演出獎」得獎學校劇目資料



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

南：小琳，做咩唔得閒呀？（小琳是冰在網上的化名）

冰：（轉身望向南）你想點呀！

A：（大叫）你肯比 300 蚊咪可以同佢傾一粒鐘囉。

B：夠時間比你慢慢捉摸佢...少女 ge 心事。

C：喂！我地走先喇，你慢慢摸...索下佢啦。

（A，B，C 走，冰瞪住她們，追上前）

冰：你地！.....

（冰轉身碰見南）

南：你去邊呀？（冰走，南捉住冰的手）你去邊呀？

冰：返屋企呀！唔通同你去行街咩，放手啦！

南：講大話，唔敢望住我，望住我講呀！

冰：（望住南）返屋企溫書咯。我得閒都唔要同你傾計呀。

南：係咪要我比 300 蚊你，買你一粒鐘丫，小琳。

冰：（掌摑南一掌）你識唔識咩叫尊重人呀？

南：咁你又識唔識尊重自己呀？你好等錢使咩？M 記份糧唔夠你用咩？

冰：（舉起名牌袋）二千蚊，（指著外套）四百五十，半價左架喇！

南：貪慕虛榮。

冰：你第一日識我呀？我不嬲都係咁架啦！同埋我做 ge 野好有意思架，最近先幫左條弱智仔了左個心願。人地家姐不知幾多謝我。

南：你有無同人「咩」呀？講呀！

冰：咩呀？（看見南的新女友出現，突轉更怒）依家無，但係我 D 客好想，話唔定架。

女：（向南說）走啦，佢都唔知醜 ge，都話勸左都無用架啦，走啦。

冰：（望著南）拖埋佢黎，你係有心黎勸我，定係黎增慶架。不過（望向女）如果你地之後分左手（望向南）有需要 ge 咪 call 我囉。比個 discount 你丫，老細。

女：走啦！痴線架！

（冰望住南和女離開，拿出電話）

冰：喂，Philip 呀？好丫，三點見！

（燈熄）

第九場

（音樂響起，Philip 在唱歌）（冰走向 karaoke 房）

（冰入房，狀似從洗手間回來）

P：喂，你唱得好難聽呀！比我揀啦

（冰搶走搖控）

P：個制就黎比你咁爛喇。千五制唔制呀？

（冰推開 philip）

冰：唔要呀，你都痴線架！

（冰和 Philip 飲啤酒，Philip 突然擁住冰）

P：千五做唔做？

Hong Kong School Drama Festival 2009/10
Synopsis & Script of School Play with “Adjudicators’ Award”

二零零九至二零一零年度香港學校戲劇節
「評判推介演出獎」得獎學校劇目資料



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

冰：走開呀！

P：二千？三千？（冰想掙脫，叫）玩野呀你，扮咩清高呀。

（冰尖叫，漢與冰在糾纏）

冰：喂！你做咩呀？放手，放手呀！救命救命呀。

（一直打至漢大叫一聲）

（冰衣衫不整，跌倒在地，P 見狀亦負傷拿啤酒拋向冰）

（冰踉蹌離開，P 邊罵邊追）

P：八婆咪走呀！

（燈熄）

第十場

（冰坐在台階上）

蚊：呀冰，做咩打極電話你都唔聽呀？我現家上深圳...唔知痛唔痛呢？

（此時南與女朋友步出，女望著櫥窗）

女：嘩！個條裙好靚呀！你話藍色好定紅色好呀？

南：下？

女：不如入去睇。

（南停在原地，女向前行）

女：做乜唔行呀，你呢排咩事啫，成日心不在焉！

（女生氣地離開，南追出去）

（弟衝出見到家姐）

弟：家組，家組，你有無事呀？（冰搖頭）

弟：做咩你個嘴流血 ge？（弟遞出紙巾，冰搶走紙巾）

弟：使唔使報警？（冰搖頭）

弟：（良久）不如唔好做呢份 part time 啦。我唔一定要好貴 ge 模型架。（靜默）媽咪已經知道左你點解攞佢 D 錢喇。

（冰轉向望弟）

弟：對唔住。（轉向另一邊）

弟：不如我地返屋企啦。

（冰走，弟叫著她）

弟：好唔好呀？我煮面比你食丫。（冰點頭）

（弟扶冰離開）

（燈熄，播出一些有關援交的新聞）

第十一場

冰：（在會議室）自從個次之後，我就無再繼續援交。我都算好好彩。

記者：唔該曬你呀。

冰：咁我走喇。丫，千祈唔好登我個樣同名呀。

Hong Kong School Drama Festival 2009/10
Synopsis & Script of School Play with “Adjudicators’ Award”

二零零九至二零一零年度香港學校戲劇節
「評判推介演出獎」得獎學校劇目資料



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

記：我明白。再一次唔該曬你。

（冰走出門，正想把口罩除下，突見 A，B，C 經過，立時戴上口罩及轉身）

冰：唉（走向另一方向）

南：冰，我等左你好耐喇。

冰：你又知我係度 ge？

南：你食唔食栗子呀，好熱架。

冰：（用手接）都唔熱 ge。

南：等左你咁耐，原本熱都凍曬啦。

冰：冷氣大啫。

南：你唔食呀？好好味架。

冰：乜你唔怕食完手污糟咩？

南：洗手咪得囉。

冰：有 D 漬係洗唔到架。

南：咪有得佢囉，隻手唔一定要好乾淨架。

冰：（手執一支水）咁好似支水污糟左，我自己都唔想飲，都好介意比你飲。

南：（搶過來）我飲。

冰：喂，支水真係好多人飲過架。

南：下？

冰：我走喇，約左細佬食飯。

弟：家姐，（向南）南哥？乜咁啱 ge？家姐呀，我地係咪食飯呀，不如同埋呀南哥一齊食丫！南哥呀，你得唔得閒呀？

南：得，一齊丫。

- - - 全劇完 - - -

參考資料：

林曉鳳：《遺失玻璃鞋》。香港：灼華文字工藝坊，2010。

特別鳴謝林曉鳳校友無私地提供早前她所收集有關援交的報告資料，本劇的部份創作靈感來自此報告及《遺失玻璃鞋》。